



Комсомолонь ВАЙГЯЛЬ

Сембе масторонь пролетариятне, пуромода марси!

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна.

Адресъ: г. Саранск, Советская ул.,
Дом печати, Телефон № 1—80.

ПИТНЕЦ 5 тр.



ЛИСЕНДИ КОВТИ 12-ксть

ТЮРЕМС САЙ КИЗОНЬ ОЦЮ УРОЖАЙТЬ ИНКСА

Большевиконь партиять XVIII-це с'ездоц социалистический земледелиянь инголи пүтс огромный задача, штоба Сталинский Колмоце Пятилеткаты песта странаньке эрь кизоня кочксель 8 миллиартт пуд сьора.

Тяни, мзярда йотнихть руководящай комсомольский органонь кочкаматне, районнай комсомольский организациятне обязатт глубокайста няфтемс эсь работаснон ВКП(б)-ть XVIII-це с'ездоц решениязон эряфс йотафтомаса.

Кода комсомолецне тюрхть сталинский урожайть инкса, — вон основной кизефкссь, конань каршес должен отвечаемс ВЛКСМ-нь эрь райкомть отчетоц. ВЛКСМ-нь районнай конференциятнень эса комсомолецнень ули правасна кизефтемс эсь руководителсьнон, мезе синь конкретна тисть оцю урожайть инкса тюреманы тевса.

Тя пингть колхозне и совхозне видихть озипт, сокайхть зябка, ушедсть технический культуратнень урядама. Пингсь напряженной и ответственной.

Комсомолецне должетт шарьхкодемс, што озипнень качествасна ащи сян эзда, чистайста ли урядафт паринатне, цебарьста ли йотафтоц видемати анокламань работатне, эсь пингстонза ли аделаф видемась. Эрь районть улихть эсь сроконза, конат ладафт опытть мархта и кемокстафт сельскохозяйственной наукаты мархта. Строгайста йотафнемс нят срокнень, обеспечендамс почвать и видьмотнень цебарьста анокламань — колхозонь, совхозонь, МТС-нь комсомольский организациятнень фкиянь почетнай долгсна.

Сай кизонь урожайсь пяк оцюста зависит зябкань сокамать эзда. Кода содаф, зябкась машфнесыне сортишетнень и сельскохозяйственной вредительхнень, тьождафгафнесыне тундань работатнень, почвать эса ванфни сок. Однако, республикаса зябкань сокамась йотни йофси аф удовлетворительнайста, сентябрь 10-це шинцты сокамань планць пяшкотьф аныцек 4,6 процентс. А башка райоттнень эзга нльне тняровок алак сокак. Например, Игнатовский районць тьяка жа шити планць пяшкодезе 1,1 процентс, Инсарскийсь — 1,4, Кадошкинскийсь — 1,3, Рузаевскийсь — 1,5 процентс.

Зябкань сокамать коряс активна лездомс партиять и правительствать заданияснон пяшкодеманцты — велень эрь комсомолецть почетнай долгоц.

МТС-нь и совхозонь комсомольский организациятне обязатт особай мьял шарфтомс тракторхнень работаснон шири. Тракторхне зябкань сокамаса должетт работамс круглай суткат.

Передовой колхознень, совхознень, МТС-тнень, особенна Всесоюзнай сельскохозяйственной выставкань участникнень, колхозонь работань организацияса ули оцю опытсна. Комсомолецнень задачасна келиста популяризовандакшнемс передовикнень опытснон, сувафнемс сонь колхознень эзга, марса сембе од ломаттнень мархта сатомс социалистический земледелияса од сатфкст.



СНИМКАСА: ВЛКСМ-нь Мельцанский райкомть секретарец Валентина Ивановна Лунченкова ялгась.

Фотось Канифатьевть.

Конференциясь йотась оцю идейно-политический уровеньца

Сентябрь 14—15-це шинзон пингста йотась ВЛКСМ-нь Мельцанский районнай конференциясь.

Конференциять йотафтомс президиумонь кочкамда меле бурнай аплодисментонь ала кочкаф почетнай президиум во главе Сталин ялгать мархта ВКП(б)-нь ЦК-ть Политбюроц. Тядя меле конференциянь делегаттнень вии аплодированийснон ала примафти кучфт приветственный сьормат Сталин, Молотов и Ворошилов ялгатненьди.

Конференциясь йотась оцю идейно-политический уровеньца. ВЛКСМ-нь райкомть секретарец Кочетков ялгать отчетнай докладонь коряс пренияса корхтасть 24 ломань. Сембе выступавшай ялгатне кемоста критиковандаз ВЛКСМ-нь райкомть ингольдень составонц работанц, кона аф сатомшка маштозь организовандакшнезень районца комсомолецнень важнейшай политический и хозяйственной кампаниятнень пяшкодемаса участвовандама.

Собранияса ашель кодамовок активность

Атерь велень средний школань комсомолецне отчетно-выборнай собранияти анокласть пяк калдывста.

Тяса комсомолонь комитетть отчетонц коряс корхтасть аныцек ингольдень комитетонь четтне, пионервожатайхне Старостинась и Савинась. Нят ялгатнень выступлениеядост меле собраниянь президиумть ширде ульсть лама предложение, штоба комсомолецне корхтахть. Пингсь моли, а корхтайхть аш. Эста президиумсь примась решения: „комсомолецнень корхтама тернемс спискас коря“.

—Вал макссеви Селиванов ялгати,

Кочетков ялгась ашезь машта райкомть перьф активонь пуроптома, конань сюнеда ВЛКСМ-нь райкомса сембе комиссиятнень работасна ашезь аныцек заседаниянь йотафнемаса.

ВЛКСМ-нь ингольдень райкомсь лафчста тюрсь СССР-нь Верховнай Советть июнь 26-це шистонза лифтьф Указонц эряфс йотафтоманц инкса. Тянь сюнеда 3 комсомолецт судендафт кода злостнай прогулишкит.

Конференциясь райкомть од составс кочкась: 7 учительхть, 2 акушеркат, 1 аграрном, 1 бригадир, 1 комбайнерка. Пленумть составс кочкаф Хасан эрьхть видеса бойнь участниксь — орденоносець Кошелев ялгась.

Конференцияда меле йотась васенце организационнай пленумсь. Пленумсь кочкась 7 ломаньца бюро. Секретарьсь кочкаф Лунченкова ялгась, тейнза 1-це заместителькс кочкаф Кадикин ялгась; 2-це заместителькс кочкаф Абанькин ялгась.

ти, — мяргсь президиумонь председателсь Латышева ялгась.

Конешна, Селивановсь и иля комсомолецне президиумть решениянц ашезь пяшкодь, синь исть карма корхтама. Тя организациясь йофси аф сатомшка тюрсь ВЛКСМ-нь ЦК-ть X пленумонц решениянзон эряфс йотафтомаснон инкса. Аныцек тянь сюнеда комсомолецнень абсолютнай успеваемостьсна общешкольной коряс ульсь ламода сяда йомла, дисциплинасна калдыав. Аф кржа комсомолец илядсь второгонькокс.

К. Черакшев.

50 тьожанень митингсь Белостокса

Сентябрь 17-це шистонза Советский Белостокть центральный площадьсонза ульсь ошень трудяшайхнень 50 тьожанень митингсна, конац посвященнаель Западнай Белоруссиянь народть панский игать алда освобождениянь славнай годовщинанцты. Митингса ульсть делегацият областть разнай районзон и Брест, Гродна, Ломжи и лия ошнень эзда.

Оцю доклад мархта, конац пяхксель яркай фактта и цифрада освобожденнай народть благосостояниянц касоманц колга, выступил Белостокский облисполкомть председателец Мальцев ялгась.

Мальцевть докладтонза меле ульсь тиф васта памятниконди. Ладаф гранитнай плита, конань лангс сьорматф белорусский кяльса:

„Тяза народнай собраниять постановлениянц коряс ули строяф памятник Якстерь Армиять мархта Западнай Белоруссиять освобождениянц честьс“.

Митингонь участникне оцю мьяльса примасть приветствия народонь великай вожди Сталин ялгати.

(ТАСС).

КЕМЕ КРИТИКА

Мокшень Мазканя велень первичнай комсомольский организацияса отчетно-выборнай собраниясь йотафтоц сентябрь 8-це шистонза. Собраниясь йотась идейно-политический оцю уровеньца. Комсомолецне, корхтамок комитетть работанц колга, кемоста критиковандаз эсь пряснон и комитетть работанц.

Кочкамок од комитет (секретарькс единогласна кочкаф Ф. Кудашовсь), комсомолецне арсесть од лама мероприяйт ВЛКСМ-нь ЦК-ть XI-це пленумонц решениянзон коряс комсомолть работанц одукс тиемаса.

В. Мирашкин.

Ст.-Синдровский район.

Письмоносецсь цебарь общественник

Шямонь велеса письмоносецекс работай Инякин Николайсь, конац тейнза сай сембе корреспонденциятнень и газетатнень адресатснонды пафнесыне целайста и пякак куратнайста, эсь пингстонза.

Тяфта жа сави азомс, што Инякин ялгась периодический печатть срока инголе распространяндаманц инкса колхозникнень йоткса вяти массово-разъяснительнай оцю работа. Сон колхозникнень эзда эсь перьфканза пуроптсь общественной распространителень кеме актив.

Нят условиятнень вельде Инякин ялгась периодический печатть коряс контрольной цифрать пяхкотькшнесь вельф. Тяни колхозникне получахть 65 лама № республиканский газета.

И. Инякин.

Ковыкина район.

Муворусь аф мон, а школась

(Минценъ корреспондентонъкъонъ эзда)

Сире-Кяръге велень аф полный средний школанъ комсомолецне отчетный собраниясь пяк деловой-ста критиковандазь комитетонъ ингольденъ секретарть Матинть работанц. Прениясь корхтай ялгане (Макеева, Кижаккин, Петров) няфтезь, што комсомолонъ комитетсь пяк кржа максесъ лезкста пионерский организациа, кальдявста тюрсь школьной дисциплинать кемокстамаса.

Матинть пингста,—корхтайхть комсомолецне,—од ломаттненъ и комсомолецненъ йоткса ашезъ йогафнев кодамовок воспитательнай работа. Тя-няеви сянъ эзда, што савомок 1939-це кизонъ декабрь 15-це шистонза Матинцъ йотафтсь анычек фкя комсомольский собрания.

Комсомолонъ комитетсь во главе Матинть мархта тяфта жа кальдявста тюрсь комсомолть районзон касфтомасовок. Кепотъксонди, А. Ашайкин, В. Петров, И. Семайкин и иля од ломаттне комсомолу сувамаъ колга комитету максесъ заявлениат нинге апрельть 10-це шистонза, но сийн заявлениасна атак ватт мянь тя пингс.

Комитетонъ ингольденъ секретарсь Матин ялгасъ школанъ пионерхненъ йоткса и кружковой работаса эсь бездействениц веляфтозе школатъ лангс.

Собраниясь од комитетть составс кочказень инъ цебарь комсомолецненъ. Комитетонъ секретарькс кочкаф комсомолкас М. П. Киселева ялгасъ.

И. Шлаев.

Атюрьеванъ район.

БЕЗДЕЛЬНИКТЬ ТАРГАМС КЕМЕ КОМСОМОЛЬСКИЙ ОТВЕТСТВЕННОСТЬС

М. Мазканя велеса лувондовихть кафта комсомольский организациат —колхознай и школьной. Нят организациатненъ эса комсомолецненъ инъ ламосна аф анокт самостоятельна тонафнемс ВКП(б)-ть историянц, и сяс ульсь организовандаф тейст кружок, коза руководителькс кемокстаф Мирышкин Семен Ивановичсь. Омбоце кизось ни сон „вати руководства“ тя кружокть мархта, а занятия мес-бди нинге фиквов ашезъ йотафта.

Аф шаръхкодеви тя тевса ВЛКСМ-нь райкомть поведениакса. Сон содасы, што ломанцъ мезнятка аф тиенди и тиендемонга аф йорай, но сембе сяка мерат мархтонза кодапка аф примоси. Тяфтама бездельникненъ, конат тонадсть аф пашкотъкшнемс комсомольский поручениятненъ, эрвихть карать уставть сембе строгай требованиязон мархта.

Е. Кудашкин.

С.-Синдровский район.

Тарксесазь государствати сьоронъ ускомать

Кунара ни аделаф „Путь к социализму“ колхозса сьора урядамась. Колхозсь тейнза максф обязательствать коряс должен максомс государствати 914 центнер сьора, а ускф тачимс анычек 200 центнер. Колхозонъ правлениясь сознательна тарксесы государствати сьоронъ максомса планть пашкодеманц. Сон учи, мзярда сийн инксост кивок тисы тя тевть.

И. Кирдяев.

Ельниковский район.



Сентябрь 5-це шистонза Москуса ушедсь чемпионатонъ 1-це турсь.
СНИМКАСА: Г. Левенфиш (Ленинград) и В. Микенос (Литовский ССР) нэлх-кома пингста.
(Фото-клишес ТАСС-ть).

Эсь обязательстваснон пашкотъкшнесазь честна

Сиволень поставкасъ стане жа, кода и велень хозяйственной иля заготовкатне, кирди оцю хозяйственной и политический значения. Лувомок тянь, Zubovo-Polyanay инголи моли колхозне, кода: „Ясная Поляна“, „Красный боец“, „14-й Октябрь“ и лама лия колхоз, сиволень максомса обязательстваснон государствать инголе пашкодезь 100 процентс и лама сивольда макссть ни 1941-це кизоть инксовок.

Эрви тяфта жа азомс, што башка колхозникне, честнайста пашкодемок государствать инголе тядденъ кизонкса эсь обязательстваснон, лама сиволь макссть 1941-це кизонкса. Вов Е. Я. Зубарев колхозниксь 41 килограмма пандсь 1941-це кизоть инкса. Тя ялгать кепотъксоц эрви фатямс сембе колхозникненди, честна пашкодемс государствать ингоде эсь обязательстваснон.

Ив. Паршин.

АФ ТЮРИХТЬ СЬОРОНЪ ЮМАФТОМАТЬ-АРАФТОМАТЬ КАРШЕС

„Дирижабль“ колхозса работайхть Вертелимский МТС-нь комбайнерхне, конат сьоронъ урядамать качества мархта мольфтеманиц ширя аф шарфнихть кодамовок мяль, а тянь сюнеда иляткшни паксяв лама сьора. Колхозникне, видеста азомс, возмущенайхть тяфтама работать мархта.

МТС-нь дирекцияти инъ куроконъ пингста тяэрви проверямс и примамс эрвиакс мерат безобразник комбайнерхненъ каршес.

А. Додонов,
П. Веряскин.

Мельцанский район.

Кангуш велень „Путь к социализму“ колхозонъ правлениясь тяфтажа аф йотафни кодамовок контроль бригадатненъ работаснон мельге. Эрви азомс, што Контеевъ бригадац сьоронъ урядамаса работай оцю имафкс мархта и аф йотафни колазонъ кочкама работавок. Сяда башка Кантеевсь ламос аф тяшнесыне колхозникненъ трудошиснон, конанъ сюнеда имасть ламонъ трудошисна. Правленияти тя эрви проверямс и примамс мерат.

Л. Икомасов.

Ельниковский район.

Од ломанень вожак

„Первомайский“ колхознай первичнай комсомольский организациа секретарькс пяк куватьс работась Ивкин Александрсь. Од энергичнай цюра,—вов сонъ сембе характеристикац, мзярда сонъ лятфнезь ВЛКСМ-нь Кадошкинский райкомса.

Тяни сон ВКП(б)-нь членовди кандидат, трудящайн Советонъ депутат. Сембе сонъ работац ульсь Эконом-Полянка колхозонъ колхозникненъ и интеллигенциять сельминголе. Работамок велень Исполкомса председателъкс, сякнон пингть мянь мекольденъ отчетно-выборнай пингть самс работась ВЛКСМ-нь комитетонъ секретарькс.

Оцю охотаса сон азондсы колхозса комсомолецненъ участиянон, комсомолецта сембоц 23 ломань. Тяфтама жа одт, кода и сонцъ, улихть прокс нинге однат, аф кунара анычек примафт комсомолу. Комсомольский документонъ папкаса улихть нинге заявлениат, конат анычек максф.

Партийнай организациа велеса нинге аш. Значит сембе тевть лангса руководствать должен вятемс комсомолсь. Тя поручениясь партиять, сонъ пашкодеманц—эрк комсомолецть инъ почетнай тевоц. —Минь, ванондомок колхозонъ

правлениять мархта кизефксненъ,—корхтай Ивкин Александрсь,—и вяекомк коса ответственностьсяда оцю, тоза кочксеме комсомолецненъ йоткста. Сьоронъ урядамалобрейкатненъ лангс озафнеск комсомолецненъ Малофеев Колять и Морозов Гришай. Пулфонъ сотома кучесък аватненъ йоткс Ивкина Еленать. Илякс мярьгомс сембе комсомолецне работась паксяса. Сийн, паксянь работада башка, лувондсь газетат, вятсь колхозникненъ йоткса беседат, лездсть соцсоровнованиять организоваданцты.

Комсомолецне и комсомолкатне ульсь и ашихть ведущай виикс колхозонъ любовай работаса. Морозовсь и Малофеевсь, вяекомк эсь йотковаст социалистический соровнования, сийн 5 гектархненъ вастс лядендельхть 7 и 8 гектархт эрь сменати.

Комсомолкатне Ивкина Еленась, Акамова Зинась и Болтунова Лизась работась пулфонъ сотома тевса. Сийн ашестъ йора сянъ, штоба работаснон лангс цьоратне няфнелхть сурса, кода фталу илядыень лангс. Сотомс тейст максфоль норма 0,25 гектар шити. Вассенце шиня нормась ульсь пашкотъф, омбоце шиня нормаснон пачфтезь 0,5 гектарс. Комсомол-

АНГЛО-ГЕРМАНСКИЙ ВОЙНАСЬ

Германский информационный бюрось азовкшнесъ, што авиациянь министрсь Герингсь Англиять каршес операциятненъ эса йотафни личной руководства. Герингть штабквартирац ащи Севернай Францияса. Сентябрь 15-це шистонза Герингсь германский од типонъ бомбардировщикса тийсь полет Лондонть велькска.

Сентябрь 16 и 17-це шинзон пингста германский авиацияти Лондонць ульсь атаканъ главнай объектокс. Американский корреспонденттненъ свидетелстваснон коряс, сентябрь 16-це шистонза немецне Лондонть лангс йордасть пяк лама бомба. Пцтай 2 тьожатть куд тифть развалинакс, 3 тьожатть здания серьезнайста поврежденайхть.

Шовдасть саманц мархта Лондононъ тьожатть эрйхть одеала и матрац мархта тушендыхть метронъ станциятненди,—сьормады английский „Ньюс кроникл“ газетась. Ломаттне метров иляткшнихть валдашкадомс. Кода пачфни Рейтер агентствась, Лондонца марявй транспортонъ временнай дезорганизация. Мекольденъ шитненъ пингста Темзатъ эзга ушедсть якама воднай трамвайхть. Сийн должетт кирфтамс ошень транспортть нагруканц.

Сентябрь 16-це шистонза веть ульсь бомбардировандаф Берлинцъ и берлинский Темпельгоф аэропортсь. Английский самолеттне тяфтажа бомбардированлазь германский базатненъ, конат ашихть Голландский, Бельгийский и Французский побережьяса. Оцю разрушеният тифт Дюнкеркса.

(ТАСС).

ЛЕКЦИЯ

Атюрьеванъ райклубса сентябрь 11-це шистонза ульсь йотафть исторический материализматъ колга лекция. Лекциять морфтозе ВКП(б)-нь Мордовский обкомъ лектороц Волчков ялгасъ. Кулхондыхне илядсть довольнайкс азозь эсь мяльснон, штоба тяфтама лекцият йотафнемс сяда сидеаяста.

А. Попов.

катненъ тяфтама работасна кривьстезень и иля колхозницатненъ мяльснонга.

Соровнованияти таргавсть сембе, киньге ашель мялец усковомс пулоса. Колмоце шиня колхозницатне нормаснон пачфтезь 0,6 гектарс.

Тя ударнай работась организовандаф и возглавляндакшненъс комсомолецненъ мархта; тя лездсь тевса. Озимойкультуранъ урядамать аделаць 6 шитненъ вастс 4 шиста.

Тяниень пингть колхозсь аделазень пцтай сембе сьоронъ урядаманзон. Паксяв илядсть анычек модамарьхне.

Эрь шиня прважакшнихть станцияв чистой и отборнай зьорна мархта целай обоз государствать обязательстванзон пашкодема. Тяни „Первомайский“ колхозсь сьоронъ обязательстванзон пашкодемаса Кадошкинанъ районца ащи инъ инголи молихненъ рядса.

Сашенды сьоксесъ, малаткшни расчетнай кизоть пец. Комсомолецсь Ивкин Александрсь ункснесъ приблизительнона трудошити сталмонц: эрь трудошити сашендови фкя цалковой ярмакса, 4 килограммат сьора и максовихть бобовой сьоротка.

Тяфта работась „Первомайский“ колхозонъ комсомолецне тя кизоня.

А. Карасев.

Ответ. редакторть инкса Дм. РОДИН.